


十一



升致命張皮

注曰張者釋外足見文也

公再拜受幣

其儀亦如初惟不襲耳幣亦兼玉而言下放此

士受皮者自後右客

注曰從東方來由客後西居其左受皮也

繼公謂受者自後右客則客既授亦自後而出皆與受馬之儀相變也

賓出當之坐攝之

注曰象受于賓

繼公謂賓降而當皮之西士乃坐攝之

公側授牽幣皮如入右首而東

右當你左字之誤也士昏禮皮左首此亦宜然入時不言左首故於此因見之東適東壁也亦進退此庭實之儀當與昏禮參考

右車

聘手夫人用璋享用琮如初禮

注曰如公立于中庭以下

繼公謂聘享皆致聘君之命也夫人不可以親受君代受之其受之之禮亦皆與已之所受者同以夫妻一體也不言束帛加璪省文耳

耳

若言則以束帛

若言則以束帛享禮

注曰有言有所謂請若有所問也記曰有故則束帛加書以命是也庭實

繼公謂若有言一聘以達之故卒聘而后行此禮也此如秦八使西乞術來聘且言將伐

晉之類

右因聘古言

擯者出請事賓告古于畢

注曰公事畢

繼公謂上云請命此云請事者以其將命之禮已畢故也

賓奉束錦以請覲

小三子
覲卑見尊之稱也公事已畢欲伸其私敬也
奉君命而使則其覲禮宜與他時見于國君
者不同故不用其贄而用幣與庭實也
擯者入告出辭

辭欲其後之也賓既將公事主人宜先盡其
待賓之禮賓乃可行其私事也不辭其覲者
已受其君禮則不必辭其臣禮也
請禮賓賓禮辭聽命擯者入告

注曰告賓許也

繼公謂請禮之禮當作醴宰之誤也是禮主
於醴故雖用幣猶以醴名之此請醴之辭蓋
曰子以君命辱於敝邑寡君有不腆矣君之

禮請醴從者賓曰使臣既得將命矣且辭曰
寡君固曰不腆敢固以請曰其辭不得命敢
不敬從

宰夫徹几改筵徹直列反

徹几筵入于房而改設賓席也賓席東上公
食大夫記曰蒲筵常緇布純加莞席尋玄帛
純皆卷自末宰夫筵出自東房

公出迎賓以入揖讓如初

注曰公出迎者已之禮更端也

繼公謂出出廂門也公於門內之揖不盡與
擯者同處乃云如初者見其亦三揖耳

公升側受几于序端

公弁亦如初也公與賓弁皆北面當楣而立
不拜至醴賓之禮當拜至此不者其辟朝君
之儼禮歟周官司儀言諸侯相朝之禮云登
再拜下云儼亦如之則其儼禮拜至可見矣
宰夫內拂凡三奉兩端以進

注曰灑几也內拂凡不欲塵坳尊者以進自
東箱來授君

繼公謂內拂几以袂內鄉而拂之也先言拂
乃言奉是拂時几猶在地也未至公所而內
拂已敬也奉兩端謂橫執之凡執几皆橫執
之惟設時乃縮也宰夫橫執几而奉兩端別
於賓主也賓主授受則各几一廉進進于序

端南面以授公

公東南鄉外拂几三卒振袂中攝之進西鄉攝如

許亮反並

注曰攝持也

繼公謂宰夫既拂几公又親重拂之敬也卒
謂既拂也振袂去塵也中攝之謂二手於几
之中央攝之也授几而中攝之亦君禮異也
進西鄉于筵前賓是時猶在西階上北面

擯者告

注曰告賓以公授几

賓進訝受几于筵前東面俟

俟公拜宜鄉之下放此

公壹拜送賓以几辟辟音避

壹拜者送几之常禮必著之者以賓答再拜稽首嫌此拜為再拜也公及賓拜或不言北面者可知也

北面設几不降階上答再拜稽首

公壹拜而賓答再拜稽首者公尊也乃先拜而送几故賓當以此答之不降者辟盛禮也此醴賓之禮以用幣之時為盛

宰夫實觶以醴加柶于觶面枋

宰夫酌醴面枋而並授贊者授解之正禮也

說又見士冠禮

公側受醴

受醴不言序端者如受几可知公既受醴亦

進進前西北面

賓不降壹拜進筵前受醴復位公拜送醴

壹拜亦受醴之通禮必著之者嫌賓拜當再拜稽首也賓於公乃不降而壹拜亦辟受幣

之儀也授几授醴其禮均而賓之拜不同者

彼答公拜此則先拜不無輕重也位西階上

北面位

宰夫薦籩豆脯醢賓升筵擯者退負東塾

必言籩豆者經蓋見一脯一醢之器也擯者

退負東塾者是時賓方有祭薦祭醴啐醴之

儀其事稍久故於此俟之擯者至此方退則

是送几授醴之類皆擯者告之矣經不盡見之也凡擯者之退近則中庭遠則負塾皆視後事之以速以為節

賓祭脯醢以柶祭醴三庭實設

注曰庭實乘馬

繼公謂賓祭醴而庭實設以為節也不公用束帛及擯者進之節皆放此庭實亦設于西方西上

降筵北面以柶兼諸觶尚攏坐啐醴攏音兼

注曰降筵就階上

繼公謂以柶兼諸觶以右手執柶并執觶也尚攏以心也必以柶兼諸觶者欲便於

啐醴也少少欲便於建也北面於階上

乃兼之則是先時亦加柶於觶矣

公用束帛

注曰亦受之于序端

繼公謂醴賓而用束帛庭實所以將厚意亦如饋禮也

建柶北面奠于薦東

上言兼柶尚攏則此建柶亦尚攏明矣故不言扱奠奠解也

擯者進相幣相息亮反

注曰為君釋辭於賓

繼公謂相幣贊其接受之禮

賓降辭幣

辭者謂既受賜矣不可以又辱盛禮

公降一等辭

辭者止其降且不許其辭

栗階升聽命

注曰升聽命釋許辭

降拜

拜為將受幣

公辭

公先已降一等故於此不降

再拜稽首受幣當東楹北面退東面俟

當東楹北其北也其南北亦中堂受幣當東

楹其北為君將出者之身矣俟以

公壹拜賓降也公再拜

公壹拜而賓即降不敢安受尊者之拜因辟

之而遂降也賓已降而公猶再拜者送幣之

禮當然宜終之也此皆所以相尊敬也

賓執左馬以出

注曰牽馬者并左右勒授之餘三馬主人牽

者從出也

繼公謂左馬者上也故賓親執之然則主人

之庭實亦設於西方而西上也主人庭實之

位乃如賓者因賓禮也左執幣乃北面右執

馬右還而出凡賓受主人禮其於庭實可以

執則執之與主人之受禮異也賓出而公降立

上介受賓幣從者訝受馬

從者蓋賓之私臣也受馬云訝則幣並受矣並受幣訝受馬皆變於賓主授受之禮也四馬皆訝受者賓既執左馬則餘馬已悉為賓物公之士代之牽出耳故從者與受之於賓同

方醴賓

賓覲奉束錦總乘馬二人贊入門右北面奠幣再拜稽首

注曰覲用束錦辟享幣也贊者居馬間扣馬

也

疏曰二人贊者各居兩馬間各用左右手扣一匹也比面奠幣衆授時亦北面也

繼公謂此亦擯者出請入告而出許不言者可知也總謂以物合乘馬之入轡而束之也二人自牽之乃云贊者言代賓為之所以見庭實後入之意也入門自闌東入也王藻曰私事自闌東謂此爾下介禮同不以客禮見故庭實在後且奠幣於入門右之位而不敢授也賓再拜稽首而公不答拜者不受此禮也

擯者辭

辭其用卑者之禮

賓出

以覲事畢而不受其辭也

擯者坐取幣出有司二人牽馬以從出門西面于東塾南

注曰贊者有司受馬乃出凡取幣于庭比而繼公謂有司牽馬亦二人者不可多於賓贊也西面于東塾南鄉賓也然則賓之外常接西塾矣牽馬者蓋在擯者之南少退擯者請受

受謂公欲親受其辭蓋曰寡君使其請受

注曰賓受其幣贊者受馬

牽馬右之入設

注曰庭實先設客禮也右之欲人居馬左任右手便也於是牽馬者四人事得伸也曲禮曰效馬效羊者右牽之

繼公謂云右之明牽者四人也二人受於有司而后四人牽之用四人則左先隨入而設於西方

賓奉幣入門左介皆入門左西上

注曰以客禮入可從介

繼公謂此以客禮入則當自闌西玉藻所云私事自闌東者但據始覲而言也上介禮放

此

公揖讓如初升公北面再拜

公升即當楯此面賓升西楹西東面公乃再拜公升不西面者以賓不稱覲也不稱覲等者之禮也亦以其鄉已奠幣拜於入門容之位故爾

賓三退反還負序還音旋

注曰反還者不敢與授圭同

繼公謂反還者反西面而復東鄉也三退還愈不敢安矣聘時執玉故不敢反還

退授當東還北面

此禮也故

一曰適牽者之

疏曰馬生物恐驚之故由前是變於受皮

繼公謂自前而適其右受皆適於受皮且係

其已授則自前而去也

牽馬者自前西乃出

自前西者稍進而前乃西行又南行而出也

已授而出必自前者其放受者自前而來之

儀乎

賓降階東拜送君辭

拜於西階東別於已君也凡臣於異國之君

其拜下者皆不當階拜於階下者已臣也拜

其拜下者皆不當階拜於階下者已臣也拜

君命亦然

拜也君降一等辭

注口君辭之而賓猶拜也

繼公謂辭者止其又拜

擯者曰寡君從子雖將拜起也

君降一等辭而賓又將拜故擯者云然從謂

從賓而降也公降一等耳乃曰從者君為臣

降一等與敵者沒階之禮同也此禮擯辭多

矣未有著之者是時賓主相接歡敬兩盡故

特見之念禮亦然

栗階升公西鄉賓階上再拜稽首

鄉許亮反

公西鄉即俟拜之位也賓升即拜又不言成

賓之幣唯馬出其餘皆束

賓之幣謂將聘君之幣及

幣則幣字之所包者廣矣

多貨則傷于德

貨指聘物而言聘物有常

重貨之意而傷害於其德

所以不可多也

幣美則沒禮

注曰幣謂束帛也美之則具

本意不見也

繼公謂美謂奇巧也聘幣去

則過於禮而禮為之沒矣

以不必羨也上言貨則幣
於人力之所為故復以羨
物固不厭其羨也

賄在聘于賄行辭

注曰賄財也于讀曰為言

之財禮而為之財也賓客

于焉豐之是又傷財也周

稱其邦而為之幣以其

工無藉者襲藉才夜反

請束帛以藉玉也以此

學而不用束帛以為藉所

授受之時皆襲以執之

將王尊官特達而無藉

襲其襲與無藉之義初不

者之異於常故合而為言

襲則於其有藉者揚可知

常禮不特於執享玉之時

不拜至

醴賓而不拜至其辟朝君

有儉禮與醴相類

醴尊于東箱瓦大一有豐大去

士冠禮醴尊于房中勺解名

南上此尊于東箱則勺解道

之

薦脯五臠祭半臠橫之祭醴再

再祭初臠音臠扱

注曰卒謂後扱

主人之庭實則主人遂以出宮

注曰此謂餘三馬也左馬宮

繼公謂主人之庭實謂用以

遂以出者主人之士也賓

文似以庭實主於皮馬而

或皮或馬亦不定也經惟

耳

覬覦賓若私獻奉獻將命

注曰時有珍異之物或賓

聽請受之命者上介也而士介亦皆訝受其

幣者此時統於尊者而不敢異之也介既受

幣贊者乃南面取皮

上介奉幣皮先入門左奠皮

注曰皮先者介隨執皮者而入也入門左介

至揖位而立

繼公謂皮先執皮者先上介而入也是時儻

皮隨入而左先也奠皮而不敢授示遠下於

賓介奉幣而皮入介入門左而奠皮節也奠

皮之處亦參分庭一在南

公再拜

注曰拜於中庭也

繼公謂公拜蓋西面也下放此

介振幣自皮西進北面授幣退復位再拜稽首送幣

進者北行將至中庭與公稍相當乃東行及公左而北面公還南面受幣也此發於入門左之位而云自皮西進則是凡庭實皆設下西方參分庭一在南明矣介退公復西鄉介拜亦北面不受於堂者公尊則介禮宜遠別於賓也

介出宰自公左受幣

公不離位宰就而受之殺於賓禮也云自公左則受之必公可知文之於一音故不言則

有司二人坐舉只以東

有司三是乃舉皮亦異於受皮之節也

以送者又納士介

納之之辭亦與納賓同

士介入門右奠幣再拜稽首

注曰終不敢以客禮見

繼公謂終不敢以客禮見者以歸者惟上介聽命故也此與初禮同乃復為之者以既受幣復入則禮更端也

擯者辭介逆出擯者執上幣以出禮請受賓因辭

注曰禮請受者一請受而聽之也

繼公謂公於士介亦辭之者以其非已臣也
奠幣者四人擯者惟執其上幣以出又但禮
請受而已皆殺於上介也請者西面請於士
介固辭者決不從命之稱也以其決不從命
故士介賤則不敢辭而賓為辭之一辭而得
遂亦可謂之固記放此

公荅再拜擯者出立于門中以相拜

相息反

注曰擯者以賓辭入告還立門中闕外公乃

遙荅拜也相者贊告之

繼公謂公曷欲親受幣故不受其奠幣之拜
士介終不敢授公乃荅之公是時拜於東方
之中庭而介位在門外之西則擯者相拜宜

西以而也司儀云凡行一之儀不朝不夕

正其主而亦不背為禮也

介皆居

注曰辟於其東面也

繼公謂必著此者

嫌旅拜之於內則在外者不必辟也辟者所
以為敬且明其拜之主於已也

士三人東上坐取幣立

注曰俟擯者執上幣來也

擯者進

注曰就公所也

繼公謂進至中庭以上幣示公

宰夫受幣于中庭以東

受幣受上幣於擯者

執幣者序從之

士三人從宰夫也

右介私覲

擯者出請賓告事畢

賓既告事畢衆介亦逆出而賓從之也

擯者入告公出送賓

公出三擯亦序從之

及大門內公問君賓對公再拜公問大夫賓對

注曰賓至始入門之位衆介亦在其右少退

西上時承擯紹擯亦於門東北面東上上擯

往來傳君命問君曰君不恙乎對曰使臣之

來寡君命臣于庭拜拜其無恙公拜賓亦辟

問大夫曰二三子不恙乎對曰寡君命使臣

于庭二三子皆在

繼公請鼻者行禮之時各有其節不可亂之

故問勞之事至是乃為之也及大門內則賓

東面公西面而問之周禮云客再拜對與此

微異是時上擯往來傳命承擯紹擯亦負東

塾
公勞賓賓再拜稽首公荅拜公勞介介皆再拜

稽首公荅拜

勞力報及下並同

注曰勞賓曰道路悠遠客甚勞勞介則曰二

三子甚勞

賓出公再拜送賓不顧

不顧公之拜而去亦辟之義凡主人拜送賓賓皆不顧經不盡見之也於此見之者明於尊者之禮如此則其餘可知

賓請有事於大夫公禮辭許

注曰請問卿也上擯送賓出賓東面而請之擯者反命告之

繼公謂有事謂問之也此蓋據賓所請之辭而言故不曰問也大夫者卿也下大夫嘗使至者亦存焉將問大夫乃先請之

以心故不問之也下大夫向必之者尊者

之也木終心也之也事也之也言諸公

辭許皆擯者傳之

右賓出公送

賓即館

注曰即就也

卿大夫勞賓賓不見見賢遍反

注曰以已公事未行上介以賓辭辭之

繼公謂其勞以爵之高下為先後不同時不見猶不出也下放此按注云公事請問卿大夫之禮也公事未行故不敢當其勞已之禮而不見也

大夫奠鴈再拜上介受

大夫兼卿言也又攷此篇凡於卿所為之事

但發端言卿以見其爵而已其後則惟言大夫不復言卿也是其例然爾故此大夫亦得兼卿言也大夫即於館之外門外東面奠之上介受之亦東面卿勞賓用鴈者變於相見也大夫用鴈亦非以其贄之義因卿禮耳勞上介亦如之

勞之於其館上介亦不見士介為受鴈也此卿亦執鴈以勞上介亦非尊者降用卑者之義但因賓禮耳

右卿大八勞賓介

韋弁歸

衣錄五牢

養音雍

其服純衣纁裳韎韐纁屨韋

弁加於皮弁而歸饗餼用之者變於聘服且敬也

上介請事賓朝服禮辭

注曰朝服示不受也受之當以尊服

有司入陳

賓禮辭而許乃入陳也

饗

注曰謂飪與腥

繼公謂殺牲而割亨焉曰饗周官內外饗皆掌割亨之事斯可見矣是禮有飪有腥乃曰饗者主於飪而言也

飪一牢鼎九設于西階前陪鼎當內廉東面北

上上當碑南陳牛羊豕魚腊腸胃同鼎膚鮮魚
鮮腊設高鼎脚臘曉蓋陪牛羊豕同
鮮音仙下脚音香臘

許堯反曉

注曰脚臘曉陪鼎三也牛曰脚羊曰臘豕曰
曉皆香美之名今時臠也陪之庶羞加也膚
豕肉官必有碑所以識日景別陰陽也

繼公謂先言鉶上之也設饗先於西方統於
客也客謂大夫奉君命者凡饗籩之牢雖有
多寡而鉶惟一牢則同耳是以少者為貴也
然鼎九且有陪鼎則又以其貴故加而異之
也內廉西階之東廉也陪鼎當內廉而不正
設於階前者明其加也上當碑謂牛鼎

南北之節也鉶鼎以牛為上陪鼎以脚為上
古者宮庭有碑蓋居其庭東西南北之中所
以識深淺也蓋發語緯云陪牛羊豕明其鼎
相當也

腥二牢鼎二七無鮮魚鮮腊設于阼階前西面
南陳如鉶鼎二列

鼎二七降於子男也周官掌客言子男饗籩
云腥十有八無鮮魚鮮腊加者可殺也如鉶
亦如其北上上當碑也設鼎于階前皆辟堂
塗其在西階前者宜少東此則宜少西也

堂上八豆設于戶西西陳皆二以竝東上韭菹
其南醢醢屈醢他威反

注曰戶室戶也東上變于親食賓也並併也
醢肉汁也醢醢醢有醢

繼公謂二以並者八豆皆兩兩而設也東上
者每列以東者為尊也韭菹其南醢醢見其
為二以並之位也八豆惟言韭菹醢醢則為
朝事之豆可知文省耳云屈者言設餘豆之
法也醢醢而昌本昌北麋麇麇西菁菹菹南
鹿麇麇西茆菹菹北麋麇曲折而下所謂屈
也設豆不靖而屈亦歸禮之異者

八簋繼之黍共南稷錯

七各

八簋黍稷各四也簋繼豆上簋黍在北稷在
南次西次北餘皆如豆之序乃變言錯者取

其二物相間之意

六鉶繼之牛以西羊豕豕南牛以東羊豕

注曰鉶羹器

疏曰此綽也

兩簋繼之梁在北

簋不次簋者梁稻加也凡加饌必別於正饌
梁在北上也凡米與食則梁尊於稻醴與酒
則稻尊於梁以西夾饌位例之則自簋以下
亦皆西陳也

八壺設于西序北上二以並南陳

八壺之酒稻也黍也梁也稻黍各二壺稻在
北黍次之梁四壺又次之蓋如設管米之例

云北上南陳統於豆也堂上之饌皆屬鉶牢
西夾六豆設于西墉下北上韭菹其東醢醢屈
六簋繼之黍其東稷錯四鉶繼之牛以南羊羊
東豕豕以北牛兩簋繼之梁在西皆二以並南
陳六壺西上二以並東陳

此饌屬腥牢也西夾西夾室也東西皆云
夾者以與正室夾房而立名也六壺者稻酒
黍酒梁酒各二壺也壺不著其所蓋亦近於
簋而設之與在堂上者之位相似下放此

饌于東方亦如之西北上壺東上西陳

注曰東方東夾室西北上亦韭菹其東醢醢
屈

繼公謂東方東夾東墉下也西北上言韭菹

亦在饌之西北也此東夾之饌亦屬腥牢也
腥鼎皆西面上故東西夾室之饌皆西北
上鉶鼎東面上故堂上之饌東北上各順
之也屬鉶者於堂上屬腥者於夾室亦異尊
卑也夾室之饌先西後東是腥牢亦以西者
為尊矣凡鼎俎恒竒豆簋之屬恒偶而鼎自
三以上則豆簋之數率降於鼎者一鉶之數
率降於豆簋者兩故此鉶鼎九則堂上之饌
八而鉶六腥鼎七則東西夾之饌六而鉶四
也一牢則兩簋故堂上兩夾之數同

醢醢百甕夾碑十以為列醢在東甕鳥弄反

百甕醢醢各半也云夾碑是居於鼎之中央而上者少北於鼎矣此居於鼎之中央是總為腥飪設之也醢在東醢為尊也設甕之位飪在西腥在東足以見所尚矣

籩二牢陳于門西北面東上牛以酉羊豕豕西牛羊豕

注曰牛羊右手牽之豕東之寢右亦居其左繼公謂籩陳于內者以堂上庭中皆有所陳宜與之相近且門外有米禾薪芻之車在焉亦不足以容此籩禮故也二牢為一列變於腥亦以惟有牢故也東上門西之位然也亦變於饗按注云寢右言其東上而西足也

米百筥筥半斛設于中庭十以為列北上黍梁稻皆二行稷四行

筥居曰反行並戶即反

注曰東西為列列當醢醢南亦相變也

繼公謂此米從籩者也籩陳於內故米宜從之饗有醢醢籩有筥尖盛大禮也中庭乃東西之中繼籩而言故指其所以明之其南北之節宜於庭少南黍稻梁皆二行而稷獨四行者以其下也故多之以足百筥之數掌客職言待侯伯之禮醢醢百筥米百筥此侯伯之卿其米與醢醢之數乃與其君同然則公與子男之卿亦可知矣凡米以黍為上稷為下於此見之矣食則以黍為上稻為下酒則

稻爲上梁爲下而不用稷蓋稷不可以爲酒故也

門外米三十車車秉有五簋設于門東爲三列東陳禾三十車車三耗設于門西西陳簋所主反耗都

反故

注曰秉簋耗數名也簋讀若不數之數繼公謂大夫饗餼之禮其米禾皆視死字故禾三十車焉若朝君則取數於生率死字雜也經凡言其陳者皆謂其下鄉之也此去東陳是西轅也西陳者反是云爲三列每列皆南北爲之前列在西後二列以次而東也禾不云三列可知也其列則先東而後西

薪芻陪禾

注曰倍禾者以其用多也薪從米芻從禾凡此所以厚重禮也聘義曰古之用財不能均如此然而用財如此其厚者言盡之於禮也盡之於禮則內君臣不相陵而外不相侵也天子制之而諸侯務焉爾

疏曰薪可以炊爨故從米陳之芻可以食也故從禾陳之

繼公謂倍禾謂車數也獨言倍禾者以其相類而相等故也此唯言倍禾而已不見其設之之法則是二者之車亦各爲三列而其陳亦皆如米禾之車與

賓皮弁迎大夫于外門外再拜大夫不答拜

注曰大夫使者卿也

繼公謂賓不韋弁而皮弁者嫌其加於己致君命時之服也

揖入

注曰賓與使者揖而入

及席門賓揖入

及席門大夫立接西塾賓揖而先入俟之于門右之位既則上介出請命矣記曰卿館於大夫經云及席門是賓館於大夫之席也明矣席者其禰席乎是篇言入席之儀詳矣獨於入此席不云每曲揖是不自主人之寢

門入也蓋古者之席亦自有外門與寢之外門同無事則閉之今賓館於此乃開之以便賓之出入故自是而入席無每曲揖也凡主人與客東行入席其於禰席則每曲揖於祖席以上則每門每曲揖若諸侯則雖於其禰席亦有每門每曲揖也賓揖入義見前大夫奉束帛

注曰執其所以將命者

入三揖皆行

揖而皆行明賓俟之於門內也

至于階三讓大夫先升一等

此三讓者大夫也大夫三讓而賓三辭大夫

先讓者以其奉君命尊也客尊則主人不敢
先讓升於覲禮見之

賓從升堂北面聽命

升堂不西面而即北面者辟國君之禮也國
君於天子之命西面聽之乃降拜

大夫東面致命

注曰致其君命

賓降階西再拜稽首拜餼亦如之

再拜稽首為將受幣也乃云拜餼亦如之然
則此幣其主於饗禮乎下之餼禮雖以太牢
亦無幣斯可見矣

大夫辭

亦稱君命辭之賓既卒拜於下大夫乃辭之
者別於君也凡君與異國之臣為禮於其降
拜即辭之不待其卒

升成拜

亦饗餼異拜也每者皆再拜稽首

受幣堂中西北面大夫降出賓降授老幣

堂中西四分楹間一在西也賓受幣而少過
於西者尊君命也降授老幣亦變於君禮
出迎大夫大夫禮辭許入揖讓如初賓升一等
大夫從升堂

初謂三揖三讓賓於是三讓而大夫三辭受
儼私事也故復其常禮既升皆北面

庭實設馬乘

乘四也亦設于西方

賓降堂受老束錦大夫止

降堂受錦亦辟君禮云大夫止者嫌賓為已

受幣則當從之也不從者以降堂禮輕也少

牢下篇曰主人降受宰凡尸侑降降謂沒階

也以此徵之則大夫止之義見矣

賓奉幣西面大夫東面賓致幣

致幣稱其致幣之辭也

大夫對北面當楣再拜稽首授幣于楹間南面

退東面俟賓再拜稽首送幣

賓不南面授辟尊者之禮也凡授幣于堂而

南面者惟君及奉君命於臣者耳

大夫降執左馬以出

賓之士於是執三馬隨之出廟門側從者並

受幣而皆訝受馬也

賓送于外門外再拜明日賓拜于朝拜饗與餼

皆再拜稽首

注曰拜於大門外此拜亦皮弁服

繼公謂此所謂拜賜也

右歸賓饗餼

上介饗餼三牢

三牢亦降以兩也

飪一牢在西鼎七羞鼎三

注曰鉶鼎七無鮮魚鮮腊也

腥一牢在東鼎七堂上之饌六

注曰六者賓西夾之數

西夾亦如之

其饌亦六也不設於東夾以腥牢惟有一爾

腥牢自二以上乃兼有東西夾之饌

筮及壘如上賓

上介之牢與其鼎饌者皆殺於賓而筮及壘

獨否亦大禮也又此二者初不視牢數以

為隆殺故得畧之而與賓同筮米從餼乃與

壘並言於此者因文而遂及之耳

餼一牢門外米禾視死牢牢十車薪芻倍禾

死牢鉶與腥也牢十車則二十車也

凡其實與陳如上賓

注曰凡凡鉶以下

下大夫韋弁用束帛致之上介率弁以受如賓

禮

下大夫致之者亦使人各以其爵也上介韋

弁以受主人如賓服正禮也鄉者皮弁以聘

者上賓也故上介於此不必皮弁以無加服

之嫌故爾

儻之兩馬束錦

其禮如賓可知

右歸上介饗餼

士介四人皆餼大牢米百筥設于門外

注曰米設當門亦十為列北上

繼公謂大牢各一降於上介者兩也此惟有
餼與筥米則筥為從餼而壘為從饗又可見
矣門亦所館之外門也牢米陳于外餼之正
禮也牢在米南東上

宰夫朝服牽牛以致之

注曰執紼牽之

繼公謂使宰夫亦以其爵也宰夫致之故朝
服士之朝服與卿大夫之弁服其差相似也
致之謂致其禮也亦以君命下文皆以是推
之

士介朝服北面再拜稽首受

注曰適宰夫右受由前東面授從者

繼公謂士介出門左西面拜迎北面聽命宰
夫東面致命士介還少退再拜稽首適宰夫
右受也不言宰夫退士介拜送者畧之也

無擯

注曰明日衆介亦各如其受之服從實拜於
朝

李寶之曰擯當作儻下無擯同

繼公謂無儻者賤也大夫以上乃有儻禮必
著之者嫌受國君之賜皆當儻也

右餼衆介

賓朝服問卿

注曰卿每國三人

卿受于祖廟

注曰祖王父也

繼公謂于祖廟亦尊國君之禮也

下大夫擯

下大夫擯公使為之也必使下大夫者欲與

上介之爵相當也此公事也故重之

擯者出請事大夫朝服迎于外門外再拜賓不

荅拜揖大夫先入每門每曲揖

大夫三席曾祖廟在最東祖廟次而西禰廟

又次之六于祖廟故亦有每門每曲揖此

每門謂二闕門也大夫之畜牲自魯祖而下

雖別子之後亦無大祖廟王制云一昭一穆

與太祖之廟而三記者誤也

及席門大夫揖入

此說見賓受饗餼條

擯者請命

注曰亦從入而出請

繼公謂請命亦請將其君命也不凡筵者君

使尊不敢設神位以臨之不凡筵之義有二

禮太重者不設此類是也禮差輕者亦不設

小聘之禮是也

庭實設四皮賓奉束帛入二揖皆行至于階三

讓

此三讓者賓也

賓升一等大夫從升堂北面聽命賓東面致命
大夫降階西再拜稽首賓降升成拜受幣堂中
西北面賓降出大夫降授老幣

自三讓至此其禮意與歸饗餼同大夫於是
進立于中庭西面

無擯

無擯遠辟君也臣之擯雖殺於主君之醴而
束帛庭實則同故不用之聘賓有擯禮若不
在國無嫌

右問鄉

者出請事賓面如覲幣

注曰面亦見也

繼公謂聘使私見于主君曰覲大夫曰面蓋
異其稱以別尊卑也然周禮以私覲為私面
則又通而言之與此異覲幣束錦也後放此
賓奉幣庭實從

注曰庭實四馬

繼公謂擯者入告出許賓乃入介禮皆放此
入門右

注曰見私事也雖敵賓猶謙入門右為若降
等然

繼公謂亦中門而入乃右也下放此入門右

者欲於此北面奠幣也賓與大夫爵敵乃若
降等然者不敢自同於奉命之禮也大夫不
出迎以面與問禮相因也凡自敵以下客禮
之相因而行者惟於內俟之

大夫辭

於中庭南面辭之

賓遂左

大夫不俟其奠幣而親辭賓亦不果奠幣而
遂左此則異於降等者也於是賓少立于入
門左之位以俟之

庭實設揖讓如初大夫亦一等賓從之

庭實既設于西方大夫乃至入門右之位揖

賓而皆行如初謂三揖三讓也賓亦三辭

大夫西面賓稱面

注曰稱舉也舉相見之辭以相接

繼公謂稱面不言東鄉可知也稱面者敵者
之禮也亦以鄉者以大夫辭之不得為禮於
下故爾

大夫對北面當楹再拜受幣于楹間南面退西
面立

不稽首別於聘君之命賓亦當少退賓不振
幣異於授主君也不言受馬之儀如覲可知
賓當楹再拜送幣降出大夫降授老幣

右賓私面

擯者出請事上介特面幣如覲介奉幣

汪曰特面者異於主君君尊衆介始覲不自別也

繼公謂特面獨請面也上介與大夫尊不相遠故別於士介面不與之同面又初面之儀亦與賓異故無嫌

皮二人贊

注曰亦儼皮也

入門右奠幣再拜

注曰降等也

繼公謂介奠幣贊者亦奠皮出

大夫辭

注曰於辭上介則出

繼公謂於其既拜乃辭之幣於賓也

擯者反幣

注曰出還于上介也

繼公謂此與請受之言互見也反幣者取之

出請受而上介受之也不禮辭者亦別於君

主人之士亦取皮從其幣以出委之於門外

上介既受幣則贊者亦取之

庭實入設介奉幣入大夫揖讓如初

介入門左少立大夫亦進至於入門右之位

揖而皆行也大夫先升當楣北面

介升大夫再拜受

注曰亦於楹間南面而受

繼公謂云介升大夫再拜明其不稱面也介於卿雖降一等然同為大夫故受於堂上亦

得在楹間也

介降拜大夫降辭介升再拜送幣

注曰介既送幣降出也大夫亦降授老

繼公謂降拜者亦貶於卿大夫既辭則

先升西面介升拜于西階上北面也

右上介私面

擯者出請衆介面如覲幣入門右奠幣

大夫辭介逆出

於士介亦親辭辟君也

擯者執上幣出禮請受賓辭

注曰賓亦為士介辭

繼公謂惟執上幣是亦不必其受之也

大夫答再拜擯者執上幣立于門中以相拜士

介皆辟老受擯者幣于中庭士三人坐取羣幣

以從之

相息亦反
辭音避

此士介私面之儀大約與其覲禮同帷以一

入而大夫親辭為異老受擯者幣于中庭者

以大夫降立於此故也

右衆介私面

擯者出請事賓出大夫送于外門外再拜賓不

顧

賓亦告事畢乃出也此言賓不顧見敵者之禮也必言之者嫌其或異於尊者也禮於尊者拜或辟去而不敢當

擯者退大夫拜辱

注曰拜送也

繼公謂擯者從大夫出門而遂退拜辱謝其屈辱而相已也此拜亦兼二義經蓋以其所主者立文也

右賓退

下大夫嘗使至者幣及之使所

注曰嘗使至已國則以幣問之也君子不忘

舊

繼公謂使至者謂小聘之使或為上介者也言及之明非正禮

上介朝服三介問下大夫下大夫如卿受幣之禮

注曰上介三介下大夫使之禮也

疏曰據此篇大聘使卿五介小聘使大夫三介若大國之卿七介小聘使大夫五介小國之卿三介小聘使大夫一介也問下大夫使上介是各以其爵也

繼公謂此異於卿者上士擯耳

其面如賓面于卿之禮

如其禮耳庭實則用儷皮也士介不面亦殺

於正禮

右問下大夫嘗使者

大夫若不見賢遍反

注曰有故也

君使大夫各以其爵為之受如主人受幣禮不

拜為于為反

注曰各以其爵主人卿也則使卿大夫也則

使大夫不拜代受之耳不當主人禮也

繼公謂必使人代受者不可虛聘君之命也

各以其爵者亦欲與使者之尊相當也聘君

問卿使卿問大夫使大夫此受者非主人則

亦無揖讓之禮也惟言不拜見其重者耳

右代受問

夕夫人使下大夫韋弁歸禮

注曰夕問卿之夕也

繼公謂次日之夕夫人乃歸禮不惟不

君同曰又且不敢同其時皆下之也使下

夫者亦下君或亦辟其於朝君之禮也亦

弁者君與夫人之聘享其器幣畧同其日又

同則使者之同服亦宜也

堂上籩豆六設于戶東西上二以並東陳

注曰籩豆六者下君禮也設于戶東又辟饌

位也

繼公謂籩豆六與子男之禮同重聘使也凡

設籩豆自二以上皆先豆而後籩乃言籩豆者文順耳此六豆六籩皆宜用朝事者而各去其末之二其設之之序則豆皆在西籩繼之而東韭菹其南醯醢屈以終醴其南簠亦屈以終饗餼之禮其饌各有所屬戶西之饌為飪也西夾東夾之饌為腥也此無牢故惟有堂上之饌而設于戶東示其異也不用簋簋鉶者亦以無牢故也此禮主於飲主君之禮主於食

壺設于東序北上二以並南陳醲黍清皆兩壺

醲所九反

注曰醲白酒也凡酒稻為上黍次之梁次之

皆有清白以黍間清白者互相備明三酒六壺也先言醲白酒尊先設之

繼公謂設于東序北上亦統於豆醲未詳

按注云凡酒稻為上黍次之梁次之蓋據內則三醴之次言之也

大夫以束帛致之

以束帛致其禮亦盛之也殮不致此殺於殮乃致者蓋主君以設殮為差輕而夫人以歸禮為特重所以異也

賓如受饗之禮儻之乘馬束錦

此亦不盡與受饗之禮同云如者亦大畧言之

上介四豆四簋四壺受之如賓禮

四豆者去菁菹鹿麇四簋者去形鹽臠四壺者去梁酒不言其位如賓可知也言受之明亦用束帛致之也如賓禮者亦如其受饗之禮也不言所使者下大夫可知於上介亦使下大夫者禮窮則同也

饋之兩馬束錦

夫人歸禮不及士介者以其禮薄不可得而復殺且君於士介已無堂上之饌故也

明日賓拜禮於朝

注曰於是乃言賓拜明介從拜也

右夫人歸禮於賓介

大夫餼賓大牢米八筐

注曰其陳於門外黍梁各二筐稷四筐二次並南陳無稻牲陳於後東上

繼公謂君餼賓米百筥筥半斛此米八筐筥五斛以量言之則八筐者殺於君米二筐也所以下之此亦陳於其館之外門外

賓迎再拜老牽牛以致之賓再拜稽首受老退賓再拜送

賓出門左西面拜迎聽命老東面致命賓還北面拜乃適老右受此使老致之者大夫之臣老為尊也賓於老乃拜迎之亦重其為使也再拜稽首受者蓋以大夫歸者稽首受其

君命故賓於此因其禮與使者受饋而稽首
之意同大夫不親饋者以其禮輕不欲煩賓
且辟君禮也君歸饗饋於朝君則親致於賓
亦使鄉

上介亦如之

然則此牢米亦如賓矣蓋以其具不可得而
殺故也

衆介皆少牢米六筐皆士牽羊以致之

注曰士亦大夫之貴臣

繼公謂米六筐蓋黍稷各二筐也於賓上
介使老於衆介使士所使者雖賤亦不可以
無所別也不言受之之禮如賓可知

右大夫饋賓介

公於賓壹食再饗

食音嗣
下同

注曰此饗謂享大牢以飲賓也公食大夫禮
曰設洗如饗則饗與食互相先後也

繼公按注云互相先後謂食居二饗之間也
燕與羞俶獻無常數俶尺六反

注曰羞謂禽羞鴈鶩之屬成熟煎和也俶始
也始獻四時新物聘義所謂時賜魚常數由
恩意也

繼公謂羞謂禽羞周官亦謂之禽獸庖人職
曰凡用禽獸春行羔豚膳膏腥冬行魚鱸羽膳膏膾即
膏臊秋行擯麇膳膏腥冬行魚鱸羽膳膏膾即

此羞也燕亦無常數異於朝君也

賓介皆明日拜于朝

上惟見賓禮乃言介拜似非其次蓋此文宜在下句之下也賓與介之拜賜各主於其所受者也饗賓燕賓之時介雖與焉然禮不為已故不必拜賓於禽羞亦拜之者謝主君之意也

上介壹食壹饗

注曰饗賓介為介從饗獻矣復特饗之客之也

繼公謂云壹食壹饗見先食而後饗也下文放此

卷之四